

# OMUKWETU

Registered at the General Post Office as a Newspaper

15c

## AALUPUMBU YA MONO EGONGALO

Egongalo epe, OLUPUMBU, moshitayingeleka shokUuninginino, mUukwambi, olya dhikwa ongula yeti 1 lyaJuli 1981, pashitokolitho oshiti-23 shEpangelongeleka lyeti 28-29.1.1981, lya gongala mOniipa.Egongalo ndika Olupumbu, olya zi megongalo Elim.

Engundumano lyotango mesiku ndika, olya ningilwa mokamuti, okakwiyu, moka Aalupumbu ya kala haa gongalelemo omimvo dha piti.Mpaka Aalupumbu naayenda ayehe ngaashi ya li po oyendji ya za koombinga noombinga oya dhimbuluthwa komumbisofi gwa ELOK, K.Dumeni kutya kongeleka ndjoka ompe otaku ka dhanwa iituthi itatu inene: a) edhiko lyegongalo, b) eyapulo lyongeleka , c) nelongelokalunga lyotango ongeleka sho ya yapulwa.

Sho pwa imbwa ondjimbo yehambelelo(437), aasita oya kwatele komeho engathithi lyaantu taa tengenekwa ye li 400-600, yu uka kongeleka ompe ndjoka ya gama kUumbangalantu wokakwiyu.Mokweenda aantu oya li taa imbi ondjimbo yehambelelo (426), sigo oposheelo shongeleka ompe, shoka sha li natango sha patwa.

Mpaka aasita oya kala ya thikama ya tegama ya taalela kongundu yaantu.Konima omumbisofi sho a popi omatumbulo gontumba omafupi, nomusita Jason Amakutuwa sho a lesa Episalomi ndyoka tali ti: "Egululiindje iiyelo yuuyuuki ndi wape okuyamo, omusamane Samwel Amaambo okwa egulula ongeleka ompe palombwelo lyomumbisofi Dumeni.Omumbisofi sho a tumbula kutya "Ileni tuyeni mongulu yOmuwa", okwa pitile mo nongundu yaantu oye mu landula tai ende mengungumano.

Manga aantu yoshituthi taa pitile mo, omumbisofi pamwe naayakuli ye, aasita<sup>9</sup> oya kala mowalitari taa imbi omaimbilo gehambelo pamwe naamboka ye li meni.

### Oshituthi shetoto lyegongalo

Sho pwa imbwa eimbilo 207, ewi lyomumbisofi Dumeni tali pitile membako enene olyu uvika kwaayehe meni nopondje sho ta gundjilike aantu ya pulakene oohapu dhaKalunga ndhoka a lesa dha za mu Luk.2:34.Oohapu ndhika otadhi popi oonkondo dhaJesus dhokupundukitha nokuyambukitha. Omumbisofi okwa tumbula wo kutya Aalupumbu oya ningi shoka sha pumba momagongalo ga ELOK, sho ya tungu tango ongeleka omanga egongalo inaali totwa. Pamiyalu dha leshwa komutonatelishitaying eleka, aakwanegongalo ayehe kumwe oye li 1500.

### DUMENI TA FATULULA IITYA IYALI

Iitya iyali, egongalo noshitya ongeleka, oya li ya fatululwa nawa komumbisofi pamalufu Pashitya shOshigreka "EKLESIA" egongalo otashi ti ongundu yaamboka ya ithanwa muupagani, meso nomomupya noye ya melago lyaana yaKalunga.

Kombinga yoshitya ongeleka, omumbisofi okwa fatulula kutya ongeleka oyi na omafatululo gaali ga yooloka.Oyo etungo lya yoololelwa Omuwa, yo oyo wo egongalo lyaKristus muuyuni auhe tashi ti eliko lyOmuwa.Mbika iyali egongalo nongeleka kayi shi ku topolwa, oshoka kaku na egongalo kaali na Kristus, nokaku na ongeleka yaa na omutse gwayo Kristus.

# AAMAPUMULO YE SHI FULULA 'KO

Kehe ngoka wa li wa galikanene Jairus Uugwanga, Veikko Munyika, Julius Mtileni na-Shekutaamba Nambala, mboka ya li taa li taa pi kiilongwa kuMapumulo, egalikano lyoye osho lya uvika.

Oshinima osha kala nga Nankali kofi Na-ngombe kombanda; sho nani tashi li Mu-gogo ye Namugogo ote shi li wo. Aamati mbaka yane ngaashi ya yile ko meshina limwe, osho ye shi fulula ko yo taa zi-ko ye ye ye shi tye ko "komuSAMANE ELOK" ngoka e ya tumine ko.

Uumbangi waashika owa li wa hololwa mo-ngwediva ongulohi yetine 18 Juni 1981, sho dr. Abisai Shejavali "nomukwana" o-mukwawo dr. Tomas Shivute nakuume kawo Matti I. Amadhila ya pe aamati mbaaka oonzapo dhopaali nomizalo dhawo dheilo-ngo montaneho yaasita ya ELOK.

## UUKWATYA WOONZAPO

Oonzapo dhawo odha nyolwa ngeyi: 1) "The Joint Board for the Diploma in Theology" (Southern Africa). Pafatululo moShiwambo otashi ti mgaa kutya onzapo nenge odip-loma muUteolohi.

2) "Diploma in Theology Lutheran Theologi-cal College". Shika otashi ti ashike odip-loma muUteolohi moKolidji yaMapumulo. A-yehe oya pita nawa Oshigreka, ano elaka ndyoka lya li tali thenyene omulongwa kehe kongundhi mpeyaka.

Omolwomagalikano goye oshituthi shika shegandjo lyoonzapo osha li sha adhitha elalakano lyegalikano lyoye poshitsa sho-pombanda. Mbaka 4 kaya li oyo ayeke, ihe oya li ya thindikilwa kengathithi lyaasi-ta ya ELOK ye li momizalo dhawo dhuusita.

## Omikalo dheilongo

Omuntu kwa li u na mpo to tala, oshoka o-maguwo guulenga nomizalo inoo ga mona nale oga li taga dhiladhilitha naasita mboka ya penzelwa ya shune mosikola.

Manga mbo ye li mopenzela taa dhiladhila okushuna mosikola, yo aazali yomaguwo o-taa ipumu owala mumwe omolwongundu yo-lwiimbo yameme Kambundu ndjoka ya li tayi hala okugwitha ko iipeleki yondjugo yii-gongi moNgwediva.

Nonando iipopwiwa oya li ya nuninwa une-ne mboka 4, oya hende wo naasita oyendji komitima. Mpaka itatu tongola mo nando o-mupopi gumwe, oshoka omuthindo gwaayehe ogwa li mpoka kutya ELOK opo a ye komeho oku na okweenda pamwe nethimbo miinima oyindji. Elongo lyaasita lya tulwa mongu-ndu yetango.

Aatali naatalwa, kapwa li ngo ta talele mu-lkwawo kombanda yomeho. Oshinima osha ningwa mombepo ombwanawa naayehe oyi itala kutya oya ELOK naalanduli yoshinkoti shimwe.

## Kaye shi we aanasikola

Omumbisofi Dumeni ngoka naye wo a li a ku-tha omizalo dhe dhuundohotola kofi yoshi-ketha, okwa halele aalongwantu mbaka 4 ela leko nuuyamba. Mbaka yane kaye shi we aanasikola kuMapumulo, ihe ngashingeyi oye li aayakuli momagongalo ga ELOK mo-wambo. Ngoka wa hala okatalekonawa, pula gumwe gwayo.

## Otandi shi matukile-----

Omuyapostoli Paulus ota ti: "Hakutya nde shi adha ando, nenge dha gwana, aawe, ota-ndi shi matukile ndi shi adhe, oshoka nga-me onda adhika kuKristus Jesus. Fil.3:12.

S.V.V.Nambala

## Waa pandula noyaka

Otse ongundu yoLwiimbo lwegongalo moShitayi. Otwa pandula unene kaamwameme mboka taa longo ku CDM.

Sho twa li twa tumine ko uumbapila woku-hehela ehangan lya pya, omolwoshituthi shoondjimbo shoShitayingeleka shomOndonga shoka shi na okukala megonga'nlo lyaandjetu moShitayi nuumvo.

Aaheheli oya hehela ngeyi:

Frans Amutenya .....	R50,00
Naftali Negongo .....	22,00
Onesmus Nandago .....	22,00
Abisai Shikongo .....	20,50
Onesmus Ndengu .....	20,00
	<hr/>
	R134,50

Kwaayehe mboka mwe tu kwatha, Kalunga ne mu pe oshindji shi vule shoka mwa gandja.

Kalunga Oye wo ne mu yambeke miilonga yeni ayihe yesiku kehe.

Lesheni 1Petr.1:13; 1Tim.6:12-16.

Peha lyongundulwiimbo  
K.P.Kadhikwa

# ILENI 'TU SHI TUNGULULIPO

Ombelewa yOngeleka ELOK

ONIIPA 6, Juni 1981

Ombilive komagongalo agehe ga ELOK  
nokookuume ayehe muNamibia  
notayi leshwa melongelokalunga

OSHINIMA: Ehiyo lyongalo ontiyali yetungululo lyoshinyanyangidho sha ELOK, tayi ka kala ko mosoondaha yeti 30 Aguste 1981 pashitokolitho oshiti 159/81 shEpangelongeleka lyeti 28-29/4/81.

Aakriste aaholike muELOK nookuume amuhe muNamibia

Tango otandi mu pandula sho mwi itula mo shili nuuqiginini moshinima shetungululo lyOshinyanyangidho sha ELOK. Ngaashi sha hololwa mOmukwetu gwaMai 15. 1981 NO. 9, osho naanaa mwa gongele ngaka, shi vulithe nokuli pwaashoka kwali sha tengenekwa tu na oku shi gongela pantengenekofaneko yetungululo. - One aanelago, oshoka "Okugandja oku na elago komeho gokuutaamba." osho Omuwa Jesus e shi tumbula ye mwene mIilonga yaayapostoli 20: 35.

Otandi pandula wo unenenene ookuume ketu amuhemuhe meni lyaNamibia nopondje sho mwa matuka nondapo onene onkugo ndjika yokudhima omulilo. Shoka mwa gandja nekwatho ndyoka mwa ningi, osha hololwa nawa moshifo shonomola ya tumbulwa metetekelo.

Mune AaELOK nosho tuu mookuume oyendji, omwa li mboka : ya gandja oshindji shili, ihe omwa li mboka ya indile omadhina gawo kaaga hololwe - oya gandja meholamo. Ondi shi shi, Tate Kalunga ngoka ha momo ko meholamo ote ya futu note ya pandula wo meholamo. "Naho ngoka ha mono ko meholamo ote ku futu, Mat.6:4

Mpaka otandi mu tseyithile wo kutya Epangelongeleka olya tokola, opo oshilonga shika shetungululo lyoshinyanyangidho shi ningwe kehangano lyomatungo, DITMARSIA (Pty) LTD., lyokOvenduka. Shika osha uthwa pashitokolitho 158/81. Epangelongeleka olya ningi etokolo lya tya ngeyi, opo oshilonga shetungululo shi endelelwe po, onkene okwa ningwa euvathano nomutungithi gwehangano ndyoka, Oshinyanyangidho shi kale sha pwa pehulilo lyomumvo 1981.

AaELOK nookuume aaholike, nonando pwa hololwa ekondjo ewanawa lya ningwa po meni nopondje mokugongela nkuno, itashi ti twa gwanitha ayihe, aawe. Ontengenekofaneko ndjoka kwa li ya ningwa noya li ya talika kutya otayi ka gwanena iilonga yetungululo, inayi gwana we nawa ngaashi sha thanekwa. Iitungitha ayihe sho ya gwedhelwa noonkondo nope na uyelele kutya iitungitha ayihe ondilo yayo otayi ka yeluka ishewe moomwedhi dhi li komeho, otashi ti etungo otali ke tu pula ondilo. Sho nee twa adhika twa shaina nale euvathano lyetungo pamwe nehangano lyomatungo twa mana, Epangelongeleka, olya tokola ano ngeyi okuhiyulula ongalo ontiyali yOshinyanyangidho shaELOK. Otandi mu thikithile ano ngeyi oshitokolitho shoka shEpangelongeleka tashi ti:-

"Omolwetungululo lyOshinyanyangidho, Epangelongeleka lya utha ku ka kale ongalo ontiyali melongelokalunga lyOsoondaha eti 30 Aguste 1981. Aasita otaa indilwa ya longekidhe nawa ongalo ndjika momagongalo gawo, nongalo ya uthwa melandulathano lyoongalo dhongeleka yi kale ngaashi yi li, yaa kandulwe po kundjika. " (Oshitokolitho 199/81).

Tala kepanja tali landula

# ILENI TUSHI-----

Otandi mu indile opo mu ilongekidhile nawa ongalo ndjika. Egongalo kehe nenge oshikandjolonga nongundu kehe nayi tale nkene tapa longekidhwa ongalo ndjika. Omukwetu otaka tseyitha omagongalo, iikandjolonga noongundu nkene ya gongele ongalo. Ota pu indilwa ishewe uuna ongalo ya gongelwa, nayi tumwe mbala koshiketha shetungululo lyOshinyanyangidho kOniipa, niigongelwa ando yi kale ya thika ayihe muSeptemba 1981.

Otatu ka kala wo nokutseyitha kutya iilonga ngaashingeyi otayi ende peni. Mboka mu li popepi nOniipa, otamu vulu okukala hamu ya mu tale nomeho geni yene.

Aamwaameme nookuume, omwa tseyia kutya:- Pakotampango lyaELOK, oshilonga shOngeleka osho okuuvitha evaangeli lyaKristus, mokulongitha omalongelokalunga nomasakramendi, okuhunga oomwenyo okuputudha aagundjuka, okuholola ohole yokuholathana milonga nokulonga oshilonga shetume noshuudiakoni.

Ano Oshinyanyangidho osho oshiyakulitho shetu eshinene oshivanawa nosha simana, shoka tashi tu kwatha nawa moonkambadhala dhetu dhokuuvitha Evaangeli molupe lwohapu ya nyanyangidhwa, tatu shi ningile aantu ayehe.

Ileni tu shi tungululii po! - nomokulonga uuwanawa inatu vulweni. -Gal.6:8-10.

*Kleopas Dumeni*  
KLEOPAS DUMENI  
OMUMBISOFI GWA ELOK

~~~~~

## MWO ONGELI A LEKELWA MOSHIPANGELO

Omushamane Wilpard Djuulume, weedula dopokati a shiivika unene nedina laye lopongalo, Mwoongeli, okwa lekelwa moshihakulilo shaShakati momafiku 26 Juni, neudo konima eshi oshihauto shaye sha lyatele oboma oule weekilometa dinini okudja pOnandjokwe kombi-nga yokoumbuwanhu-ushilo mefiku 1 laJuni 1981, mangha a li mondjila ta ka djala okaholo kaLange.

Omushamane Mwoongeli owomeongalo Eenhana, noku li omukwatelikomesho poshinagoga shopo-mukunda wavo Eenyama. Okwa holola kutya pefimbo olo oshiponga sha ninqwa, mehauto omwa li ovanhu vahapu nopauyelele oo e na moshiponga eshi omwa kanena ashike eemwenyo dovanhu vavali.

Kombinga yaye mwene oivela oyo a li a ningwa paife oya veluka, kakele ashike keisho laye lokolumosho olo itali longo vali. Fiyo opapa ota ende pakwafo lolwoondje, omolwokuulu kwaye kwokolumosho oko taku shongola natango.

Omushamane Mwoongeli nande a kanifa eisho laye limwe ye ta ende ta shongola, oku na omwenyo uyadi omahambelesho eshi a xupifwa ngaha mediko lomundilo woboma. Kombinga yehauto laye olo itali tumwa vali, eshi kuye kashi fi sha, shaashi oku udite kutya etuwa eliko lokombanda yedu, olo tali xulu po pamwe noinima aische.

Oshinenenima kuye osho ashike eshi e udite kutya Kalunga okwe mu xupifa mefyo opo e mu pe natango omhito yokulidilulula nokweefa po oilonga yaye aische ii, ngaashi ye mwene te i dimbuluka "Elidilululo itali pulwa ashike omunhu ou a mwene oshiponga ngaashi ame, ndele otali pulwa neendjolo lwele", osho Mwoongeli a ti nomwenyo aushe.

Omushamane Mwoongeli mokutala koinyengandunge oyo a ningilwa nale kuKalunga manga ina lya-ta oboma nokomhito ei e na yokukala vali nomwenyo, okwa ninga etokolo opo a efe po eendjila daye dikulu ye a tameke okukalamwenyo kupe, shaashi okwa koneka kutya ota kongwa kuKalunga. Ota indile opo ovaitaveli aveshe vaKristus ve mu dimbulukwe efimbo keshe momailikaneno avo, shaashi omutondi satana oku li po ta kondjo efimbo keshe opo tuu a pukife natango ovo tave lidilulula.

# READERS ARE LEADERS


## AALESH AAUWILIKI

Shika osho sha li oshipalanyolo melandulathano lyoshigongi shehangano lyaalongi mOwambo, OTA, sha li sha gongala mOsekundosikola yaShakati okuza 25-28 Juni 1981.

Pakotamapango lyehangano ndika, ehanganoli na elalakano ewanawa lyokuputudhila omunona melandulathano lyopantu nokugamena omauthemba nomauwanawa gaalongi.

Kakele kuuyimbilo mboka wa li tau mwenyewe oshigongi, unene hoka taka ti: "Otse aalongi pamwe nomulongi Omunene"....., aapopi ya li yi inekelelwa iipopiwa ya yooloka, oya liwo taa tula mo okamongwa.

Amushanga gwomathaneko giilonga ya ELOK pOniipa, omusamane Immanuel Iithete, okwa li a ndjandjukununine aalongi "omiti dhOpantseyomwenyo ndhoka tadhi ya kwatha mokupanga " aanona



mboka ihaa vulika posikola noku ya putudhila melandulathano lyopantu.

Aalongi yamwe oya li ya holola nkene yuuvite ohe-nda onene sho tashi vulika posikola pu na nando aalongi 10, ndele gumwe owala gwomuyo e ya koshigongi. Ihe nando ongaaka, opwa monika ehukumomeho ewanawa mokuholoka kwaalongi nuumvo shi vulithe omimvo dha zi ko.

### ONGALO YA OTA

Aalongi oya li ya thikamenwa kepulo enene kutya ongalo yomelongelokalunga lyeti 28.6.81 moka ya hullitha oshigongi shawo otayi ningwa ngiini? Opwa li omathaneko gi ili ngi ili ihe etokolo lyahuginina oya tokola yi ye metungululo lyOshinyanyangidho.

Ayehe oya koleke ethaneko ndika oshita sho hakele omake ongomuntu gumwe. Pompito ndjika Iithete okwa tseyithile oshigongi kutya "uuhwa" owa tameka nokuli etungululo lyOshinyanyangidho niilonga yokufula omikanka.

Amushanga gwa OTA moshitayi sh aNamayongo mOndonga, omusamane Sakeus Mb. Iipingeye oye a pewa ongalo ndjika R614,70 e yi thikithe kOshinyanyangidho.

Omusamane Iipingeye okwa tumbula wo kutya OTA okwa hekumuna noonkondo omolwomambo ge nuukalata wehangano mboka wa yonagulilwa mOshinyanyangidho komutondi nguka gwonge'neleka nogwoshigwana. Mpaka opo wo pwa zi uunyengwi mokutseyitha ehanganoli kaalongi mboka opo ya piti omimvo ndhika.

### Elalakano lyetungo lyongeleka

Elalakano olyo OKUKONGA NOKUHUPITHA SHOKA SHA KANA NOKULONGA OSHILONGATUMO. Mboka inaa shashwa, ya shashwe, mboka taa hempulula oondjo, ya kuthilwe po. Mboka itaa vulu okuthika kuElim omolwomeya nenge ye li kokule negongalo lyaGongo, ya mone ompito yokuuva evaangeli mOlupumbu popepi.

Omumbisofi sho a hulitha nekundo lye kutya olyo ehala lye eliko ndika lyOmuwa lyaa sindwe nando okomiyelo dhoheli, okwa pe omupehamutonateli gwoshitayingeleka shaNdonga, omusita S. Elago ompito opo a leshe mu Mat.16:+18-19 ndhoka dhi li omukanka hoka wo kwa dhikilwa egongalo lyomOlupumbu.

### AAYAKULI YEGONGALO

Aalupumbu inaa pewa ashike egongalo, ihe oya pewa wo aayakuli!- omusitagongalo, Eino Amaambo, omuyevangeliste Max Shuuya naamushanga omugundjuka a gandjwa kegongalo lya- Elim. Omusita okwa pewa wo iiyakulitho yegongalo lye epe montaneho yaakwanegongalo Osho ngeyi egongalo lya dhikwa medhina lyaKalunga katatugumwe.

### EYAPULO LYONGELEKA

Oshituthi shika sheyapulo lyongeleka nasho osha ningwa komumbisofi K. Dumeni pamwe naayakuli ye aasita 9, noye shi ningi moonkondo dhuukwatatu. Pompito ndjika aasita oya li ya pewa ompito opo kehe gumwe a leshe omatumbulo gontumba mOmbimbeli. Omumbisofi okwa londodha aakwanegongalo ya kotoke opo ongeleka yaa nyatekwe, oshoka oyo eha eyapuki, moka egongalo tali i, monene epopilo notali vululukwa momunzile gwomawawa ga- Kalunga. Pehulilo omumbisofi okwa halele eha ndika ombili yaKalunga katatugumwe.

### ONDTOKONONA YOLUPUMBU

Otaku tengenekwa kutya etali lyotango mOlupumbu olya dhikwa 1922. Olya li lya fikwa po kaamati yomukwaniilwa, oshoka aniwa aakadhona kaya li we taa holoka kuuwa, ohaa kala owala ya gongalekwa metsali moka. Uupenda waakwatelli komeho yOhapu yaKalunga pethi mbo ndyoka owa konekwa, sho inaa shuna omutse monima. Ethaneko lyotango lyetungo lyongeleka ompe olya ningilwe meti 4.5.78. Iitungithi ayike, inaamu kwatelwa ofuto yomutungi oya punla R3,475. Oku niwe etegameno kutya oshigwana shokomeho onashi ka tunga ongeleka yondilo yi vule d ndjika. Etungo lyongeleka olya ningi ombiliha, oshoka aakwanegongalo oyo yene ya longo iilonga ayihe mevathano pwaa na ofuto yasha.

### EKUNDO LYASHITAYI

Mekundo lye tate Mika Iilonga okwa holola kutya Aalupumbu oye na natango oshimpwiyu shokumonena omusitagongalo egumbo nokuhumitha iiniwe yegongalo komeho, lyo li kale wo mongundu yomagongalo ngoka taga piti kugo gene, opo li kwathe ngoka taga nyengwa. Sho omusita Iilonga a leshe Iil.2:43, okwa hulitha ekundo lye ngeyi: "Etilokalunga eyapuki nali mu pangele".

### AALUPUMBU MOSHIKOGO SHENYANYU

Ombili, enyanyu, olupandu nonkumwe yaalupumbu oya li tayi monika miipala yw yawo sho taa imbi omaimbilo ngoka ga longekidhilwa esiku ndyoka owina.

Iwene gwomukunda gwalupumbu omusamane Eliakim Shigwedha, okwa pe aayenda ekundo lye mbilo 150, opo ye ende taa li imbi sho taa shuna komagumbo. Osha li komatangolela yantu ya halakana, nokweendelela yi ihakane ethimbo ndika.

\*\*\*\*\*  
P. 5

WA PANDULA

UUKUNI KUMWE

Iiyakuli miilonga yOshinyanya-  
no, omukuluntu gwOshinyanyangi-  
omusamane Moses Amkongo a pe  
omusamane lipinge oshimpwiyu opo a  
tali the epandulo iyawo ku OTA sho  
ya gandja oshihupulo shika shoo  
R614,70.

Molwashoka uuhuku wokwiiyengela ihau  
zi, OTA oku na ngashingeyi edhiladhilo  
opo a hengumukile mumwe nehangano e-  
kwawo lyaalongi mUushimba. Ndjika oyo  
wo ompito ombwanawa yokukandulapo uu-  
kwamuhoko mehangano ndika, mboka tashi  
vulika wa kwata aalongi oyendji moshi-  
pala yaa djoine ehanganano ndika OTA.

# OMATUNGO A DIBO A HANAUNWA PO KOITOPIFA

Ovakalimo vomuhandjo wetumo laMaria Omuyapuki pOdibo, peengaba daNamibia naAngola, ova li va pendulwa keweelero lomutopo linene la fa omivelo tadi dengwa po nola fa eataulo lomakende, mEtine, eti 18 Juni 1981.Eshi osha ningwa kombinga yokOumbangalanhu popepi non: jeleka nomuhandjo wOseminali youfita.

Omukulunhu wetunmo ponhele oyo ou e li yo omufitaongalo laMaria Omuyapuki, omudiakoni omukulunhu Filippus Shilongo, okwa li a hala a ka tale osho tashi ningwa po ashike omolwoveta oyo tai keelele ovanhu vaha ende oufiku kOumbangalanhu waNamibia, ina dula oku shi ninga.

Ponhele yaashi, ovakalimo aveshe voponhele ei yetumo, ova kala ashike va pwilikina vo tava talele momakende omumbo avo.Osha li she va yelega kutya momudingonoko wa tumbulwa omwa li omalinyengo ovanhu.Potundi yotete youfiku ya pitifa ominute 45, okwa udika etopo linenenene, nola shikulwa komatopo amwe manini. Opo nee omundilo nomwif owa ka monika.

Ongula inene mangha ovanhu ve na omhito yokweenda, okwa monika kutya omuhandjo aushe woseminali oo wa fikama mokangeleka kanini, omuhandjo wovanafikola, eengulu dofikola, eumbo lomukulunhu fikola, ongulu yomambo nombelewa yoseminali oya hanau: nwapo komundilo.Osho yo etungo lehangano loomeme la li popepi noseminali ola mona oshiponga. Osha monika mo yo kutya okwa longifwa oikunguluki oyo tai dulu okuxwamifa omundilo, tashi dulika shimwe shomuyo omahooli.

Ovakalimo vomomatungo etumo novanhu vawe vomomudingonoko, ova shikula eemhadi dovaponokeli vomatungo, fiyo opo va li va fiya osheendifo oshikako shonhumba kOuninginino wonhele yetumo. Ova mona yo oshinima shimwe shominima oyo hai umbilwa mombada, opo i minikile mefimbo lonhumba lixupi, pondje yomuvelo munene wokouninginino.

Potundi onhimulongo yongula efiku tuu olo omudiakoni Shilongo okwa ka lopota oshiponokela eshi kovapolifi kOhangwana.Ova ove ke uya ponhatun ya pitifa ominute 45.Eshi va talaatala apa naapenya, ova pula ehokololo laashi sha po, komudiakoni Shilongo ndele tava udaneke oku mu shiivifila osho va mona mokukonakona kwavo.Ovapolifi ova kufa oshiminikili sha tumbulwa metetekelo, ndele tva tava i nasho.

Omatungo aa a bomwa po okwa tungilwe 1963, nopatengeneke lomufaneki womatungo okutungulula omatungo aa otashi ka pula omwaalu R98,500 000 mwa wedelwa R1500 dokuwapaleka enyonauko olo la ningwa metungo lehangano loomeme.

Omwaalu munene wovafita novalongi veefikola domashasho omo va hongwa moseminali ei.Okwa kalwa kwa teeelwa kutya shamha tuu onghalo ei yoita ya xulu oseminali ei otai ka hovela oilonga yayo.Eshi ekanifo linene ketumo nokoshikandjongeleka eshi.Osha yela, kutya olyelye nee a ningi enyonauno eli nelalakano laye olashike, owomongudu yovakondjifi vongelegeka moshilongo eshi, ou ta dulu ashike okuokondjifa ongelegeka neliko layo nomatungo ayo, eshi ote shi ningi shaashi kape na ou ta dulu k okweenda oufiku omolwoveta ya tumbulwa metetekelo.

Mosoondaxa yeti 21 Juni 1981, omumbisofi James Kauluma okwa talelapo nokwa kala melongelokalunga pamwe novakwaneongalo veongalo laMaria Omuyapuki.Onya yopaunhu kaya li tai monika movanhu ovo va kanifa oseminali yavo, ndele ova li ashike monhepo yokudii inapo ava va longa oukolokoshi ou.

Osha li omhito yokutwaafana omukumo nokufikamma omufika meitavelo, no nde ope na oilonga ei youkolokoshi ya tya ngaha.

Oshikandjongeleka eshi i otashi twikile okweekelashi oilonga youkolokoshi nomahanauno eliko longeleka a tya ngaha, taa ningilwa ongelegeka neliko layo.Otashi indi le aveshe cwo va longa oilonga ei, opo va xulife po oilonga ya tya ngaha.

24 JUNI 1981

JAMES H. KAULUMA  
(OMUMBISOFI WONGELAKA YA ANGLIKANA MUNAMIBI)

KALUNGA OYE ~~EGAMENO~~ MATATI WO  
NEGONGA . OYE NO TE TU SHTGI  
WO MOONGODHI NOMIIPONGA.....

EIMBILO 168 ( MEHANGANO)

@@@122222222222222222222222222222222222

# 99 PINDI OMOMETHO

OFANDITHA ONENENENE YA KWATA  
MIITI OTAYI KA NINGWA PO-  
NETHINDI NORMAL SUPER MAR-  
KET OKUZA ETI 28.7-1.8-1981.

IINIMA TAYI LANDULA OTAYI KA  
MONIKA KOMBILIHLELA:

1. OOHAMA NOOSHUTA DHOOMEME
2. OOSHUTA DHOOTATE
3. OOHAMA NOOMBULUKWEYA DHOOTATE
4. OONGAKU DHOOTATE NODHOOMEME

ILA U ITALELEKO NGOYE MWENE.  
LYEEND'ONGULA OLYO LYA TOOLA  
OHIMA EE''

KAOSO NALOIDE

## ETU THIGI PO

Nakusa Elieser Johannes Nkandi okwa valwa eti 7.7.1935 mUupumako mOngwediva. Meputuko lye okwa kala mIvuyongo mUukwambi, moka aakuluntu ye tate Johannes nameme Hilma Nkandi ya tembukile megongalo lyaNiimwandi.

Nakusa Elieser okwa kwatwa kuuvu mbuka we mu langeke ethimbo ele konyala etata lyomumvo nokuli. Okwa li a lala moshipangelo shaShakati, nolwahugunina omoshipangelo shaShikukku moka a manene oondjenda

omasiku sho ga li 23 Juni nuumvo.

Elieser okwe tu thigile uuthigwa unene sho e tu tsu omukumo ethimbo nethimbo moohapu dhaKalunga nando okwa kala ta galangata nombete kuuwehame waa na efudhopo. Ina kanitha ombili . Okwe tu thigile eimbilo 388 noohapu dha Joh.14':27.

Nguno nату mu etheni okwa yi keviluluko lyaana yaKALUNGA. OМУWA NA HEKELEKE MEME NATALIA NOOTHIGWA DHE HEYALI.

IMBILENI OМУWA 170:2-3

Yo kaye shi aashona ya ngundumanene nko Mombinzi yOnzigona ya mon'ekulilo Ohole yi li ko, na eso kali ko Ondjendi ndi li muka, Kaandjetu hwi-yaka.

Kaandjetu oko nkoka natate eli ko Tand'uka ko oshoka ndi li mewiliko LyOmbepo Ondjapuki Oongu Omweendithi Ondjendi ndi li muka, Kaandjetu hwi-yaka.

I.ND.NKANDI

Peha lyoonakuthigwapo ayehe

\*\*\*\*\*

## OMUKWETU

Oye eshife shOngeleka Onkwae-vaangeli paLuther yomOwambekavango.

Ohashi nyanyangidhwa mOshinyanyangidhe shOngeleka, ELOK, mOniipa.

Omukuluntu gweshife omumbisofi K.Dumeni.

Ondande yOmukwetu R2-60 kopunve maAfrica.Kombanda yemafuta R5-00.Omabesitele naga tumwe kOmukwetu.

Ev.Luth.Owambekavango Church Press  
Private Bag 2013 Ondangwa 9000